

嘉慶松江府志

松江府志卷十七

建置志

壇廟

松江府

凡列祀典者華婁二縣附府合祭

先農壇 在府治東北雍正四年華亭縣知縣陸廷樞奉

敕建每歲仲春亥日有司詣壇行禮武臣陪祀祀畢行耕

藉禮季秋後復詣壇報賽禮則闕

按浙江通志云先農壇最為鉅典應列諸祀之前而社稷山川諸壇次之凡附郭之縣統附于府皆不分設今依其例分次

社稷壇 在通波門外舊志府西北二里後廢為教場元

元貞初知府張之翰祀於西湖書院至大初知府季祿  
兒移置太平橋西宋造船場際留倉址也明洪武二年  
遷於此

國朝因之

宋鍾必萬社壇記 華亭壯縣錢穀獄訟簿書視他  
邑爲劇令自朝至暮繼之以燭猶恐弗給何暇問社  
壇之神哉縣社壇在西北隅春秋祈報第舉故事退  
則未嘗一顧而問焉信安徐民賸始來領縣事于是  
召匠計工命僧祖隆視役上木一新越明年事畢二  
月戊寅社用牲于壇酌奠有位升降有次視史薦信  
神明顧歆父老觀瞻莫不嘆息以爲前此未之觀也  
昔唐永徽開州尚淳祀往不立社獲獲一建州刺  
史敎立祀場以取重當世如君又有過人者以日不  
暇給而能爲人所不爲不忘其本君子于是乎可以  
觀改矣

元陸居仁重修社壇記  
 社五土祀稷五穀祀皆主  
 生有帝高陽以句龍為社  
 高辛唐虞夏因之商旱以  
 社棄配稷主象位置壇土  
 與所宜木上下有差而社  
 稷固有神龍棄特配之神  
 縣置社稷太守令長特祠  
 稷之祀始廣梁加祀靈星  
 秋仲而無臘祀周日用甲  
 仲月上戊日祀社稷風生  
 也華亭為東南壯縣生有  
 江府社稷仍舊無變置居  
 圯毀地廟于民草牧于羊  
 伏龍奠而退讓禱弗至若  
 侯來守祠祠下瞻歎怵力  
 財勞民衙休必躬督焉未  
 而牧者屏壇位崇庫一新  
 西卻少南主咸北有七楹  
 祠為屋大小十有七楹線  
 漏廢不畢具東西為步二  
 建置志  
 八南北四十有七作  
 壇廟

于至元二年春正月夏五落成府陰陽教授白公賁相厥工有弗祀祀必神歆有弗禱禱必受福自侯來守建風壇飾公館儒而庠校書院神而金山祠武安祠醫而惠民局興隆補獎罔不葺完社稷則報穀育而禳旱溢者也闕民命尤急務民義而敬鬼神惟侯有之請述其概庶幾繼治于後者視侯之功爲法至元丙子八月記

常雩 乾隆二十一年奉

敕卽於先農壇舉祭

按七縣雩祭俱在先農壇其八  
靖亦卽先農壇致祭不另載

風雲雷雨境內山川神壇 在集仙門外官紹塘上元時

風師壇在府治東北清修寺前雷雨師壇附於稷右明

洪武二年移建今所并山川城隍祠之

國朝因之

郡厲壇 在通波門外明洪武三年建

國朝因之乾隆五十年華亭知縣王應中婁縣知縣謝庭薰重建

府城隍廟 在興聖塔院後元至元十四年升華亭縣爲

松江府卽邑廟爲郡廟今盟素道院是也明洪武三年知府林慶卽興聖殿址作今廟正統九年知府趙霖新其門廡景泰元年災知府黃平重建成化十五年知府王衡闢寢宮於正殿後宏治元年五月颶風大作殿宇傾圯知府劉璟庀材鳩工廟貌如故正德三年知府翁

理重修又於廊廡塑二十四司神象嘉靖四十四年災  
知府衷貞吉華亭知縣聶廷璧捐俸勸助落成萬厯二  
十七年郡人太僕卿林景暘建坊於門三十五年華亭  
知縣熊劒化建臺軒易木以石邑人工部郎俞汝爲助  
成之四十年兩廡建樓四十八年落成泰昌元年更崇  
寢殿丹堊歲增壯麗加於昔矣

國朝莊親王賜額德庇華婁乾隆八年知府汪德馨修大  
殿頭門二十八年知府富琦修五十七年知府李廷敬  
修嘉慶二年知府趙宜喜修十九年秋重修

元峽州路總管府經歷吳曠記 政治通乎神明教  
化移乎風俗古人所以先成民而後致力於神也松

江瀕海爲郡當衆水貫流之匯雨則侵其西陸旱則  
亢其東境苟非感通以協二氣之和存誠以祈百靈  
之佑則不足以垂豐穰而安生聚也至元庚辰知府  
楊公來守此上究心民瘼屬志官政刻奸剔蠹鋤強  
櫛榷上下胥和遠邇丕變爰相府署大新堂門制度  
改觀既又念夫明則禮樂幽則鬼神土地人民之衆  
滋其土者既有以安其居則隲而相棟宇庫陋其神  
乃詣神隍祠躬致禱禱以格靈祉而報效首揭私帑  
偁塞鄴伍湫隘象設漫漶大懼非所報效首揭私帑  
六千緡售拓基地東西延廣一百尺南北長袤達于  
通衢凡一百二十尺相舊廟不足起瞻仰徒爲後  
寢購工募材營建前殿璇題飛甍附之質揭妥之  
彩級陞森嚴拱以序庶綽以開闢憑附之質揭妥之  
具丹青彩施金碧動盪儼然鑒臨如神斯在祀事孔  
嚴登降有懌經始以至正元年三月以二年正月竣  
事是歲水波滅縮歲以大稔田無浸沒河不遏淤民  
用大和官賦早集咸謂神之賜侯之德也侯名仲字  
公正絳州人是廟故宋楊令瑾建于淳祐丁未九十  
八年矣今太守爲同姓乃復改大而  
重建焉蓋亦神之有待數之相符也



明張鑒記

吾松滅隍祠祀威靈公之神其祠初處

郡治南東折而入地位偏仄不稱瞻仰至洪武初始

遷于南地址恢廓堂殿廊廡皆大其規制宏治改元

夏五月大雨暴作飄瓦毀垣寢殿門廡皆就傾圮郡

守河南劉公修葺祠宇捐已俸為諸僚倡而華亭尹

汪侯贊成之一時義士相率助金遂鳩工集材經始

于宏治戊申越明年己酉告畢郡侯屬予言以議歲

月故予敘侯之績又從而歌之曰維神降靈司吾松

威光赫赫神之宗國朝祀典加褒崇錫以爵位聯侯

封靈祠建構提法宮歲久浸漶凋青紅震風凌雨交

相攻聿傾棟宇頽垣墉總有神力難斂幪劉侯謁祠

憂溝容修飭一念披丹衷翕然義士如雲從美翰美

與裝殆麗維神有靈當應通下庇五穀年

年豐我今歌頌侯之功名與斯廟相無窮

別廟一在守禦柵林堡一在青龍舊治一在青浦

金澤北沈浜元時建一在高橋南映海禪院左

明洪武十五年百戶吳士景建錢司冠士貴題額

國朝乾隆間青村場大使高兆麟移建一在婁倉橋北

土地祠 在府儀門左歲以春秋仲月上戊日致祭

華亭縣

城隍廟 在今盟素道院左舊在縣西廣明橋右趙店土地廟之西宋政和四年遷縣東南七十步卽今廟元至正二年知府楊伯野台改建六年災郡人孫明緒成之縣升爲府改爲府城隍廟立神位於廡間明洪武中遷府廟東南遂空其地廟猶未立也崇禎二年知府鄭友元卽舊府城隍廟址捐俸創新義助雲集於是規制嚴肅自明暨今增修踵輯廟貌尤崇煥云

別廟

一在下橫莊藥師庵左萬曆年建 一在柘林城內大殿壁間有神聖二大字相傳仙筆書法古勁

一在

華莊鎮 一在張澤鎮

土地祠 在縣儀門左

文帝廟 在雲閒書院左舊爲文昌祠明天啓六年府學教授陳鍾盛建魁星閣移神於閣內

國朝嘉慶六年奉

敕尊爲文帝竝增入祀典知府趙宜喜華亭知縣王勸婁縣知縣胡念祖府學教授陸梓各捐俸重建廟舍三楹冬知府康基田復於舍後崇臺之上創建今殿歲春秋有司蒞祭於此

別廟

在試院南小青龍河上五代漢乾祐中建

國朝康熙三十五年祀雍正中  
重建嘉慶七年修吳省欽記

武帝廟 在南禪寺右舊有義勇武安王廟在縣學舊射

圃東後廢移建今所康熙閒知府李文鳳乾隆四十七年華亭知縣林培山先後重修雍正五年奉

旨勅封忠義神武靈佑關聖大帝又

追封帝曾祖光昭公祖裕昌公父成忠公增祀後殿嘉慶十九年奉

旨加封仁勇二字敬書忠義神武靈佑仁勇關聖大帝歲春秋二仲月及聖誕日郡縣涖祭於此

別廟 一在淨土橋雍正四年朱漢臣募修乾隆二十六年楊敬齋募建內殿兩廊三十四年募建殿後廳樓四十五年復修山門前殿 一在周公堂左久祀乾隆二十三年神象露坐蒙以草笠邑人朱寬避雨見之

出彙中白金二錠屬道士苦其極明年朱中武後提督  
陳杰捐修一在龍門里千戶費繼光建一在葉謝  
鎮西給事中楊允繩重建明季倭寇夜過葉謝塘望見  
神鑑于蓋因不敢犯一在柘林元至正十年建一  
在北壘城外明陸文定樹聲建一在莘莊鎮乾隆  
五十四年里人范宏照重修一在東門外華陽橋

天后廟 在金山嘴祀

勅封護國庇民妙靈順應宏仁普濟天妃

國朝雍正十一年載入祀典乾隆二十二年

勅封天后歲春秋二仲月上辛日致祭

按天后宮江淮濱海多有之其神爲女子俗傳神姓  
林宋宣和中遣使高麗扶闕商以往中流遭風賴神  
以免使者上其事于朝始  
立祀歷著靈感海舶賴之

龍王廟 在金山嘴塘上

別廟

在清涇鎮西南乾隆三十  
八年知縣施恩祖重建

火神廟

在縣治東北祈雪街乾隆三十七年建歲以六

月二十三日致祭

劉猛將軍廟

在縣治東北張涇歲以正月十三日及冬

至後第三戌日致祭

國朝

按將軍劉姓銳名宋順昌之戰中流矢歿封揚威侯  
雜正十二年以神有驅蝗俾稼功

詔祀之又按新城王阮亭以南無蝗蝻近始有之俗祀南宋  
何據其說云舊江以南無蝗蝻近始有之俗祀南宋  
劉漫堂劉金壇人有專祠祀之則蝗不為災俗呼莽  
將殊為不經按趙樞密蔡作漫堂集序稱其學術本  
伊洛文藝過漢唐不知  
身後何以矯誣如此

呂祖祠

在披雲門嘉慶十一年

勅封燮元贊運歲以春秋致祭

真武廟 在府治西城垣外宋元間建明永樂初郡人孟

仲經置地益之天順中知府葉冕重修居民禱祠有飛

鶴翔舞之異

按圖記云北極佑聖真武靈應真君靖樂王太子也志除邪魔遇紫虛元君得道入武當山白日昇天亭

林寶雲寺後亦有真武廟

國朝乾隆間里人顧良佐重修有碑記其在莘莊鎮者稱

爲祀師廟

護糧王廟 在北門總管衙內

按嚴州府志宋時建昌山洪水泛溢遙見山巔有老翁操蓍掃河而立洎事聞因卽山建龍王廟賜額順濟早禱輒驗後有七總管者南宋人藉隸姑蘇姓金名鑣生有靈異幼卽爲神元以功封利濟侯明李文

忠平陸寇忽見兵仗旌旄擁護前後命巫祝之曰金  
元七總管也上其事封海潮王

國朝勅封隨糧王  
甚著靈應

元壇廟 在縣西楊家橋

鎮海侯廟 在城東紫霞宮西卽施相公廟相傳神爲宋  
將軍施全又云施諤按至元嘉禾志施府君宋人名伯  
成九歲爲神景定五年勅封靈顯侯明勅封護國鎮海  
侯所在立廟甚著靈應

羅神廟 在會仙橋南相傳明嘉靖間御史馮恩戍雷陽  
時有羅氏兄弟五人橫肆鄉曲忽一日各悔悟自經及  
恩歸患目感神入夢而痊因于宅旁建廟郡中有目疾



者輒禱之

春申君廟 在莘莊鎮

高不寫莘莊詞春申君廟詩何年楚公子有廟俯莘谿籍籍彈名久厭厭氣象低鳴鳩出座右行蟻上

校題不及吳越里雕楹春賽齊

蕭王廟 在縣治西永安橋側嘉慶十七年重建

按嘉禾志梁蕭氏興江左有功在民故州縣多祠之俗傳漢鄴侯者誤

三姑祠 雲間志在柘林之側吳地記秦時有女子入湖

爲神湖今湮塞神亦失祠惟澱山湖普光王寺三姑祠靈甚湖旁數十里田者與往來之舟皆禱焉故老相傳秦時人姓邢氏女兄弟三人卽柘湖所祠也顧志據何

松年記謂三姑長曰雲鶴主沅湖次日月華主柘湖季  
曰降聖主澱湖其說近於傳會然神靈甚縣嘗大旱請  
勺水祈之雨隨車至每歲湖中羣蛟競鬪水爲騰沸獨  
不入廟云詳見會靈祠記

別廟

郭志云在婁  
縣瑄湖橋側

錢明宮 在東門外張塔橋東吳越王錢鏐有保境之功  
松人祀之雍正五年

勅封誠意武肅王今爲楊侯廟乾隆三十九年建崇德道  
院移奉武肅王於內

靈濟昭烈王廟 至元嘉禾志在府西三里按神姓張

羣  
碑

錄稱張大帝

其英概靈蹟載桐川神祠自漢以來江浙多祠

之別廟始於宋淳熙八年顧志云爲浮屠所據號祠山

蘭若明宏治初改立社學而僧棲止如故匠復撤門榜

以爲市區

按明太祖定南京十廟一曰祠山廣惠張王廟每歲以二月初八日致祭用少牢見南京太常寺志神之發身顯迹略見于寰宇記能改齊漫錄及夢梁錄武林遺事諸書惟宋誦碑記一統志載稍詳訥之記曰神爲龍陽人姓張名渤發迹于吳興宅靈于廣德西漢以來蓋已有之或謂卽張湯之子安世而顏真卿所記則在于新室建武之間以時考之不無牴牾至于錫封加號則始于唐之天寶益于宋之咸淳旱潦疵癘禱之必應民懷信慕時走犧牲告虔祠下陰功所至鴻化以熙一統志云神生西漢末游苕霅之間久之欲自長興之荆溪鑿河至廣德以通舟楫工役將半途遁于橫山故人立祠祀之夫人李氏亦有廟

在州東二十里名昭妃廟其神最靈至神之先世或以爲御史大夫湯之後或以爲其父名秉或以爲西漢或以爲東漢見于留青口札羣碎錄究亦莫能定也其他述王事者尤衆至顯靈助化之蹟則夷堅志癸辛雜識齊東野語等書紀之彌夥惜乎詹仁澤纂祠山家世編其目見文獻通考而書卒罕傳今拙見聞所及識其大略庶幾祀神者知所自焉

福順延德大王廟 雲間志在都酒務西未詳何神有楊

景範造廟石刻云熙寧甲寅到官夢游福順廟見執簿者臂頰求予治之未幾以漕命遷酒稅於王故宮之基乃用卜宅於茲土顧志引蘇州府志云南雙廟左英烈王伍子胥右福順王陳果仁蔡京修廟記云隋將陳果仁嘗以陰兵助錢氏伐淮南有功奏封福順延德王使

諸郡皆建廟續志又云梁開平四年封果仁爲順福王  
與吳江曹王同封松江舊屬蘇州疑所祀卽果仁也其  
殿宇之上鳥雀不棲陳志又云果仁字世威晉陵人隋  
大業中授大司徒娶沈法興女法興有異謀懼果仁未  
發潛以藥毒之後法興中神矢斃其鄉人以公忠孝文  
武信義謀辯八絕奏於朝立祠徐鉉有記見集中今廢

宋許尚詩 門垣雖蠹壞古屋尚  
深沈鳥雀猶知避斯民合致欽

靈順行宮 在府治西南神顯靈於徽望秩隆於杭元至

正初府人仿杭迎會社因築宮祀焉明景泰中知府葉

冕增修成化間燬知府王衡重建

顧志

任勉之記略 永樂中予以右府參軍之職奉勅巡  
考直隸官吏臧否至徽之婺源祖庭有廟翼然萬山  
中是夕偕御史宿茲夢神感事竣還朝竟拜徽守之  
命詢其本始神乃五緯之精唐光化中降于此山告  
語立廟具載徽志自秣陵宣城廣德數百里間故事  
尤謹行禱之人不絕于路味爽之際神或現于空中  
物色影響略可間見有夫婦禱而生子及期抱之謁  
謝中途卒死仍詣廟謝已而復生益神之靈響若是  
宜人敬信愈久益虔香火之祠無閒于遐邇矣吾  
松府治南舊有行宮其靈響尤異故老皆能道之

五顯靈官廟

在府後衙及縣廳幕間俱有祠

郭志

趙店土地祠

在府治西昔未邑之日市東名趙店後立

神祠謂之趙店土地

陳志

宋許尚詩 日日黃塵路喧騰漲  
市聲神靈自安此不欲變名稱

錢公廟

在東門外張塔橋東北四十步今移於新橋西

岸錢公夫婦嘗作橋濟人故至今祀之

以上舊祀

吳輔國將軍祠 在府治西南初名鎮西將軍陸侯廟在府治東石獅子巷側祀吳陸遜陸凱久而廢墜元至正九年邑人錢全袞浦元玠言於有司復其廟邑人劉廷玉言遜子抗亦忠臣因并祀焉明洪武初以廟爲惠民藥局十六年重建易今額宣德二年巡撫大理寺卿胡槩卽故三皇廟址作新廟遷焉而屋其前以爲巡撫廳事議者以爲弗虔天順中知府李惠華亭知縣石致買地西鄰作今祠成化十四年知府王衡重修且正神位列凱抗於昭穆命道士守之

顧志

元秦裕伯復廟記略 松江府治東有鎮西將軍廟  
祀吳丞相華亭侯陸遜及其族子凱以其皆仕鎮西  
將軍故號鎮西歲久黃冠者據其廬毀陸氏主屋且  
壞不治鄉大夫士以為言監郡沙侯太守崔侯咸曰  
忠臣烈士之祀不宜廢乃考郡志得故實遂新之增  
廣軒楹翬飛輪奐象華亭侯于堂之中列凱及侯子  
抗相向配食命儒官主者相其事既畢工祀以中牢  
廟號猶鎮西存故實也監郡名哈散沙字九中太守

名思誠

明夏寅記 華亭縣故有鎮西將軍廟以祀三國吳  
輔國將軍遜左丞相凱曰鎮西者以遜凱皆任鎮西  
將軍也元至正間增置吳大司馬荆州牧抗廟焚于  
兵國朝宣德戊申始復興建修其祀事後改為書院  
以館部使者成化九年巡撫滕公以神位居廳事後  
令有司別建廟于右方十四年稷山王侯宗堦自御  
史來知松江府事賓禮儒賢刻革奸蠹甫二載政令  
大行歲復告稔遂充祀法以整斯廟增傍屋數間選  
道士一人居之時其啓閉而埽除其蕪穢落成祇告  
顧諸參佐日遜與抗為父而凱族子也神位並南向



禮乎既而笑曰此必中更有司之誤非始義也命從  
吏置抗凱東西向歸而徵之前志則抗凱果位昭穆  
配享乃大喜請予爲記并以釐正事告之予少讀前  
志能言三陸之賢皆有功烈于吳鄉邦百世尸而視  
之固宜而于伯言之事不能不致疑其間者春秋之  
義責賢者備也當孫劉分荊州而定盟關雲長自江  
陵率衆攻樊城戰克勢張曹操大恐議徙許都以避  
其鋒而呂蒙在南郡忌雲長成功思有以翦之伯言  
是時有漢之心思操之賊不贊蒙不給雲長密啓仲  
謀與元德連和揚兵淮泗之間山東義士必有起而  
應者操既畏雲長又謀東禦其勢必危曹氏畏而劉  
氏安矣縱使雲長先擒操漢定功行賞自江以南必  
割以封吳不然滅操之後擁荆揚百萬之衆以歸天  
子漢寧不以台司待之格天之勲耿鄧不足侔矣釋  
此不圖而利鼎足肯盟殺雲長以吞荊州遂使曹丕  
篡逆尋白僭號彼昭烈稱帝所以續獻祀漢吳孰何  
言而亦帝哉持是概丕心迹正相等耳異時孔明用  
師于魏使來尋盟始大集兵將欲與漢東西犄角吁  
晚矣苟有是心曷不移之于襲雲長之時之爲愈乎  
故朱子修綱目于孔明出師一則書伐二則書伐于

吳人之役則書擊書攻或變文書誘一字之閒命意豈不嚴哉雖然伯言既挫昭烈自解而歸佐吳通漢其治曹氏終魏之世限一衣帶水不敢窺吳者徒以有伯言也豈非豪傑哉成化十六年記

廣衛將軍祠 在普照寺寺有石刻載吳越王祭獻文云

晉賢陸機之祖按吳志機之祖遜初拜撫軍將軍又拜鎮西將軍又拜上大將軍吳因漢制雖有雜號將軍而考之遜傳未嘗有廣衛之號若機曾祖紆守城門校尉高祖駿九江都尉亦未嘗位至將軍

雲間志

陸司空祠 在府南三里祥符圖經云陸四公未詳所出世傳爲陸機廟按晉史機未嘗爲司空爲司空者機之從兄弟玩也又原化記蘇州華亭縣有陸四官廟元和

初有鹽船泊於廟前守船者夜於廟中得光明珠則又

以爲陸四官矣

至元嘉禾志

宋許尚詩 晉傑云亡久嘉名未  
遽湮嚴祠坐遺象猶解福吳民

顧侍郎祠 在亭林法雲寺有感夢伽藍神記開運元年

仲春十有一日寺成僧道中智暉夢二青衣來曰陳朝  
侍郎至也後忽見一人儀容清秀曰此地吾之故宅荒  
已久矣師今於上造佛立寺請立吾形象吾當護此寺  
也可尋舊寺基水際古碑爲據明日二人各言所夢不  
異就求果得古斷碑文字破滅云寺南高基顧野王曾  
於此修輿地志二僧於寺東偏建屋立象至今祠焉

雲間

志

元成廷珪詩 寶雲寺裏舊祠堂自汲清泉酌野王  
白馬有神嘶古道青衣無夢到禪牀塵銷壞壁書千  
卷土蝕殘碑字幾行欲借玉  
篇遺稿看山僧無語立斜陽  
王逢詩 世仰希馮一偉才亭林有歸讀書臺呼應  
日落荊州斂遊鹿春深茂苑衰輿地河山曾版入招  
提風氣再天開鐘聲淡入  
香雲裏旌騎疑從野色來

蔡侍郎祠 在柘林方廣寺爲唐侍郎蔡贊建按通幽記

云唐貞元五年在嘉興監徐浦下場糴鹽官場界今諸  
場亦有蔡廟場未詳何神方廣寺記則云蔡侍郎捨宅  
爲寺寺有石幢題云唐咸通六年蔡贊造去父母塋九  
十步去壽塋一十六步三代皆當世文儒貞元唐德宗

也咸通懿宗也貞元已有蔡侍郎祠不應咸通始爲壽  
塋故嘉禾志疑以爲二人今按石刻止云蔡贊不言侍  
郎又言三代皆當世文儒安知非侍郎子孫而必以寺  
之所祠爲贊也然無所考姑存以俟知者顧志

姚將軍祠 在縣西一十五步初祠於證覺院政和四年

始遷於此未詳何神雲間志

唐宋忠良祠 在府治西南舊靈順行宮明正德十五年  
推官周佐請於朝卽其地建祠以祀唐平章侍郎陸贄  
嘉靖中知府黃潤以宋丞相李綱父夔爲華亭尉生綱  
於官舍議以忠定配祀忠宣榜曰唐宋忠良祠

國朝嘉慶七年知府康基田重修卽祠爲景賢書院

明楊樞記 唐陸宣公贊松故無專祠正德庚辰推

官周公佐始毀靈順宮爲之祠請祀于朝曰唐中書

侍郎平章事陸宣公贊世傳嘉興人稽之載籍錢起

送贊擢第還鄉詩有曰鄉路歸何早雲間獨擅名華

亭養仙鶴指日再飛鳴則贊之生于華亭無疑矣由

唐以來殆且千歲桑梓故墟獨未有爲之祠者稽之

郡典陸遜父子華產也翊戴孫吳而三賢有祠春秋

致祭贊之在唐學究天人志存經世遭遇德宗屬時

多艱謀謨帷幄剪除羣凶功在社稷文章節氣師表

百世先正謂其功業赫然心行不戾于聖賢之道其

視陸遜父子以知謀翊戴偏方不啻砥礪之與美玉

一祀一否輿情未愜非所以示褒崇之道昭勸戒之

方府治西南有曰靈順行宮乃郡人以奉五顯靈官

者臣嘗因其爲厲毀其象設而廟固存遂上白巡撫

改立贊祠肖象其中第祀典未昭有司無所承命以

供祀事乞賜詳定儀牲籩豆祝帛品數致祭永爲遵

守疏奏下禮部議乃令翰林撰文官府于春秋次丁

致祭按松嘉二郡之士各以爲宜公生于其鄉而不  
建置志  
壇廟

能決周公此  
疏誠斷案矣

國朝康基田重修唐宋忠良祠立景賢書院記 嘗讀史  
至唐德宗宋高宗之世而慨然曰天之所以生才豈  
偶然哉才之用舍繫于社稷生民之安危豈不重哉  
唐得一李于興元之朝曰陸忠宣宋得一于靖康  
之時曰李忠定二公皆生于松有功德于民沒而祀  
于其鄉禮也而自唐迄宋元未有專祀忠宣生于華  
亭廟祀郡故闕如至明正德中周佐請于朝因靈順  
故宇改而設之始得立廟忠定本閩人生于松父夔  
爲華亭尉元豐初生公于尉廳右之折桂閣今稱爲  
相公閣嘉靖間知府黃潤上其事請立廟奉祀配忠  
宣顏其額曰唐宋忠良祠師表人倫豈不偉歟夫以  
環海繡壤江流海涵之質輪九峯三泖之靈秀鍾而  
爲兩朝碩輔又值多故需才之時其才皆足以宏濟  
艱難其議論皆足以扶衰起困其才有用有不用用  
而不盡其用所用之次第久暫詳略不同顧其不能  
忘君之心則一也忠宣以精白入參機務草奉天之  
詔而回驕士悍卒之心忠定以一言止南狩而壯六  
軍振甲之氣忠誠之感動有同然者論者謂興元載

亂之動忠宜有力焉視忠定七十日之相知遇固殊  
矣而忠定不以用舍爲語默懇懇款款冀君心之一  
悟若赤子之慕其母雖至怒訶猶挽衣裾而從之一  
如忠宣之不負其君不負所學蓋皆天所篤生以一  
身之進退爲一世之安危其道同所生之地又同合  
祠而併祀之宜矣嘉慶壬戌夏杪至廟瞻仰遺跡祠  
宇湫隘觀瞻不肅乃廓而新之南匯令張君昌運贊  
成其事增築祠後地址樹堂九楹高其垣門爽塏視  
昔有加自昔名賢生長游息之處皆立書院以敬其  
德業嘉惠後人巷故有坊曰景賢因復舊制仿其意  
立書院仍景賢之名延宿學主講于斯俾  
景前哲後先濟美合于廣勵人才之意云

方正學先生祠 在普照寺西鶴城書院故址祀明文學

博士方孝孺萬曆三十七年建額曰求忠書院

國朝康熙二十二年知府魯超重修有記乾隆五十三年  
知府楊壽楠重修有記嘉慶七年知府康基田重修并



葺書院舊宇顏其堂曰廣義

明董其昌記 方遜志先生之學傳于宋景濂自景濂而溯之以至考亭授受有緒顧其死節為獨著夫書院未有以死節祠者也吾郡之祠先生何也孔孟遠而士無純師談忠孝者迷厥指矣自濂洛關閩諸大儒精言之于是委質之義家律令人斧鉞無敢以邪說奸其閒者高皇帝以綱常為治旌余闕薄危素惟勸忠為惓惓乃其大者在於罷黜百家顯立朱氏學維時天地初肅士鮮偷心父兄之所敦率師友之所誅討靡不與真主應蓋千夫決拾以射巨鵠而先生其繁弱已商祚六百不為不久扣馬二士不為不奇王午之事青斧齒劍者骨量乎澤樵夫室女不夷齊愧史冊千古有是乎是高皇帝以三十餘年磨鈍之功邁商賢聖六百年養士之報方先生死而世有迂宋族之節表朱子廟絲牛毛之功先生死而世有迂宋儒無益人國者昨舌退矣此朱子之忠臣也豈惟朱子又孔門之忠臣也先生足不涉吾土意其英魂浩氣惟忠是歸惟學忠者是賴繼自今肄業之士因朱之傳孔之筆以美精先生之忠雲車風馬或格而歆

矣九峯一卷石不隱然紫陽白鹿重哉祠成于郡侯  
明州張公前司理睦州毛公會大中丞蒲城徐公以  
撫吳至為丹雘之中丞之先有善安公者官于浙為  
僉事奉詔收方氏族脫其娠婦事發斷一臂家戌保  
安衛語具蒲城志今所附于祠與任公僉公同配享  
先生者也義澤綿邈厥有聞孫建旌植壁將事祠下

非天之合哉若夫復姓作祠始

末余友陳布衣詳哉其言之矣

明陳繼儒記松府治之西有求忠書院者何為特

祀遜志方先生而創也先生生于天台死節于金陵

于松何居曰松有先生後在焉後何居曰葉公炎謝

公鐸張公弼王公世貞詳哉言之矣且方氏手迹支

譜甚覈而詳先生血允在松則血食亦宜在松此特

祠之所由建云當先生抗命時魏澤以刑部尚書謫

寧海尉受詔捕方氏幼子德宗垂九歲澤匿之有台

人秀才余學夔者乞食翔于市口誦誦唱歌以前澤

澤心動叱曰扶顛子去越兩日途遇歌如前澤知其

為義士也乃密託德宗于余入松江島嶼中厯青村

諸鎮以織網買米得活余又潛入郡屬祠部郎俞允

護翼焉任勉為參政家居聞之就見德宗德宗初引

建置志

賈廟

松江府志

卷十七

御怖而欲逃勉出癸酉錄示之知允與勉皆門生乃始安自此各為異人陰相往來允妻以養女冒俞氏恐同姓賈禍旋改余轉遷白沙鄉而學夔亦遠遁不得迹矣德宗有三子娶俞生者友直友諒繼許生者友行子孫繁衍具居華亭本末詳載譜萬厯己酉督學侍御楊公廷筠訪其事于松司理毛公一鷺得實之孫顯節而祀尙有待也太守張公九德適至挺身許曰九德先生之鄉人也我而不任誰當任者天以方先生六尺之孤委之雲閒昔日方氏之存滅在魏在余今日方氏之存滅在我有如聽其自續自絕自明自晦豈惟塗視先生實與屠翦禁何異異日天子詔求先生後其安所置對古者愛屋及烏有大體也子弟為尸迎生氣也今以先生之血允薦先生之血食胙蠻相屬夫寧不歆于是謀之華亭令謁公紹昌獨吉鳩工莊嚴廟貌崇祀先生而魏公澤余公學夔俞公允任公勉徐公善安配焉構以重堂緣以峻垣翼以兩廡門敞而墀滌祭瑟而田備秋毫皆太守張公力也祠成之日太守以庚戌冬至率僚屬迎主入祠謁奠成禮士民樂觀者萬餘人及辛亥端午命

陳繼儒爲之記陳子再拜稽首而謝公曰異哉此舉  
昔者高皇帝撥亂反正文皇帝以叔代姪此古今一  
大鼎革也先生哀庠入闕哭聲震殿刀環築口批及  
兩耳收妻女赤十族市先生肉者賜之金發先生之  
祖影者投之井此古今一大慘也天子與孤臣爲難  
豈趙朔李固比哉子遺所在前有賞後有誅踰天蹟  
地畫伏夜行干鈞引絲所餘有幾此古今一大險也  
遺蛻不敢收遺札不敢藏子孫不敢自名其祖春秋  
家祭默對飲泣卽有奸義弔古之士疇敢向先生禮  
一瓣香者此古今一大鑿也今皇帝登極首詔表章  
諸君子復天台之故墟修金陵之舊冢請補賜諡而  
未及子孫特不知一塊忠義血正在松耳今二百餘  
丁悉復故姓退而耕鑿進而弦誦濟濟蹌蹌歌斯哭  
斯九重無必伸之威而十族無必餒之鬼此古今一  
大快也忠義激而爲憤哀湘訊楚之詞非後世之所  
必及者歟而先生俎豆儼然箕裘無恙以此調人鬼  
之不平而闢百世之橫口此古今一大繼述也廟貌  
既新講學院中瞻仰先生則夷齊尚在同難者八百  
七十三人則田橫五百義士尚在若魏若余若徐若  
任則趙朔之杵曰程嬰李固之王成尙在此古今一

國朝

大榜樣也先生為浙中第一名儒為國朝第一忠臣而發潛聞幽訪求先生之後者則督學楊公自武林司理毛公自睦州太守張公自甬東又皆先生之鄉後進也意者當年仗義共事諸公分身應現或抱孤于覆巢完卵之時或報命于禁網闊疏二百四十餘年之後何浙多忠義之士此古今一大因緣也嘻此又古今一大奇也陳子繼儒拜命額手而為之記

黃之雋求忠書院記

華亭縣治之西有書院曰求

忠以祠明忠臣方正學先生蓋建于萬厯閒楊御史廷筠張守九德修于崇禎閒某御史近稍荒圯矣督帥一等侯咸寧張公飭材庀工整齊崇煥之學使侍講韓城張公為之曰名教綱維而試士以碑記于是求忠書院如始建如正學復生而寢處笑語于其中也予惟靖難時事文皇以桀鷲之材而處強國藉口削藩偏兒子而攘其位自以為子紹父業有所當有耳故讎視忠建文者而惡之特甚乃建文諸臣亦惡文皇之所為寧滅死不悔若鐵鉉暴照黃鵠景清之徒位為大臣引分趣死下至補鍋樵乞之民投水赴火如歸而謂高帝所留貽以輔幼主如先生者肯

委蛇事二君效管仲王珪之所為哉或謂文皇草芥  
諸臣獨隆禮先生願衰麻擲筆以激其怒以八百七  
十三人之命成一人之名覆宗珍祀未免過于義傷  
于仁且先生之前文章節義冠一代者莫若文信國  
信國所遭者元祖也不過斷首燕市耳文皇學識不  
議元祖其辭忠賢未必過元祖知此時非有易姓遷  
祚毀宗廟變社稷之事也而諸賢束縛馳驟之使無  
地可容如先生又其甚者也故激而為刀鋸鼎鑊之  
奇刑以糜其軀甚而殲十族烏得謂非賢者之過鳴  
呼噫名教而弛綱維由是說焉啓之矣聖賢之身為  
萬世而生非計一時也君涖大位而逐之父傳嫡孫  
而奪之先生以爲文皇材可輔明運可昌吾道可行  
功可立而君父大倫必不可亡也寧覆宗珍祀勿恤  
以植綱常于萬世故李自成之變殉難者如林是先  
生之風也受禍尤烈故風感尤神有信國以存其國  
有正學以存其君此大中至正之道而豈過也哉然  
則尸祝滿天下而祠于松何歟蓋先生族雖滅一幼  
子通于松爲余姓既蕃衍遂復其宗于是先生之裔  
不在台而在華亭彬彬然興于文學天之佑先生宗  
何嘗覆而祀何嘗珍哉兩張公之飭振之也所以式

邦大夫士崇節尚義也

按朝野采蹟五卷方孝孺傳載萬厯十二年三月釋坐孝孺謫戍者後裔凡一千三百餘人而孝孺絕無後惟孝孺之叔克家有子曰孝復洪武中上書請減信國公湯和所加寧海賦謫戍慶遠衛以軍籍獲免又云世宗時松江人俞彬自稱孝孺後一時士大夫信之爲纂歸宗錄旣而方氏察其僞言于官乃已與松郡紀載不合惟忠臣有後千古快心又烏知其必非也省志載魯超記一篇亦主舊說以語意相同故錄不

夏周二公祠 在府治西南明洪武十五年建其地故實相寺也周文襄巡撫江南最久有功德於民松人思之不置知府王衡因而祠之後以夏忠靖原吉先於永樂間治水著績能捍大災故竝祀之

國朝嘉慶七年知府康基田重修

明錢溥建祠記建功業于時者易惠澤不忘于人  
者難不忘于近固難而尤莫難乎愈久而愈不忘也  
觀河而思神禹憩樹而思召伯繪象而思張方平與  
我郡守王侯因民之思而祠文襄廬陵周公同一愈  
久而愈不忘也自文皇帝肇建北京以南京為留守  
兩京財賦悉仰于東吳而松為最松有鹽糧二賦誅  
求無藝國用日虧而催徵吏絡繹于路徵急而民愈  
困宣德七年王子少師楊文貞公薦于路徵急而民愈  
史為工部奉勅巡撫東吳公乃詢列郡盡得  
其利病首立水次倉令民自負載詣納始民以為怨  
公曰姑試爾不一載積逋悉完而呼喚其村落者一  
迹不至途滅以十之七民乃大悅善煮海曰漁丁其  
遠而不善者曰竈戶舊以竈戶出米以贍多被侵剋  
而謀恒不足公則別貯竈戶餘米俾官贍煮海者得  
鹽以給商自是虧課皆足私販亦息而鹽商願出于  
其望民棄官田而逋逃者居民一沾足則執以償其  
賦雖良田沃壤皆蕪廢不治公乃立召佃法令民任  
薄賦墾闢而逋者亦轉絳于南畝民有死絕積荒該



賠者有馬草夏稅鹽鈔驛騎鋪陳歲辦該徵者又有  
軍需該派悉從餘米給之而民不知餘則運入濟農  
倉春省耕秋省斂以助不給一週水旱則連發以賑  
之而民不困行之十有七年民熙然樂業不識苛政  
橫斂之加災警之害樂既久而變生有竊羨餘互告  
訐以撓公法公歎曰吾反不便于爾耶辭不復理奸  
弊百出民用法而不可變越三載已故帖然以寧始信  
公之法可守而不可變嚴公請弛已已公入覲陞戶部  
尚書北兵入境京師戒嚴公請弛已已公入覲陞戶部  
軍俸糧十石以寬貸東吳糧餉不繼復改工部巡撫  
添撥民運數百萬石承造軍器數百萬件皆鱗次發  
運不愆于素當是時閩越相煽稱亂獨東吳晏然民  
不知擾又二載乞致仕而歸歸二載而歿松則連歲  
大水撫臣救濟闕措飢民枕籍于道雖垂死猶曰安  
得周公復生以活我耶聲聞于朝特謚公文襄以褒  
崇之自是撫臣守其法則治素之則亂間有知其所以  
當然而不知其所以然知其所當斂而莫知其所以  
散民卒無以蒙其惠也則旦暮相聚而思之非愈久  
而愈不忘乎松有耆儒曹琛焦善等嘗欲創義立祠  
未果余自韋布受知亦無力助焉幸而侯以林御史

守松初聞而疑既而見前所謂該徵派等悉出餘米  
若探囊取物乃嘆曰何公立法便民若是耶亟命義  
官沈玉胡澄沈奎募民共歡趨樂助得縣南實相寺  
址一區繕以周垣作前廳後堂塑公象于中使奉之  
奉之所以奉其法也是役始于成化十五年己亥八  
月九日而成于其年十月二日介別駕于君華來請  
記昔楊子法言或問為政有幾曰思數言政善則恩  
政惡則數公歿已逾三十年而乃祠之非民之不能  
忘也夫唐韓昌黎以刑部侍郎刺潮去惡如驅鯷興  
善如教士其後陳堯佐守潮始祠韓如其去鯷而興  
學民亦思之如韓今侯能祠公以奉其法後豈不思  
之如陳能祠韓哉侯名衡字宗銓山西稷山人天順  
甲申進士

國朝

魯超重修祠記

國家大政莫重乎財賦而財賦出

于農田農田出于水利賦額無定則取民無制而吏  
得因緣為奸水利不修則旱潦無所資蓄洩無所備  
而田悉化為汙萊古之名臣皆于斯盡心焉如明之  
夏周二公是也明永樂二年蘇松諸郡大水夏公以  
戶部尚書奉命發浙西兵民數十萬疏決壅滯公上

言嘉定之劉家港徑通大海常熟之白茅港徑入大江宜濬吳松江南北兩岸安亭等浦江以引太湖諸水入劉家白茅二港使之直注江海又松江大黃浦乃通吳松要道今下流壅塞難卽疏濬旁有范家浜至南塢浦口可徑達宜濬令深闊上接大海黃浦以達柳湖之水相度地勢各置石牕以時啓閉每歲水涸之時修築圩岸以禦暴流如此則功可成奏上得旨允行水患乃息公布衣徒步晝夜經畫盛暑御蓋弗御又念歲荒民飢奏發廩三十餘萬石賑之所全活無算民至今思之周公在宣德間以工部侍郎巡撫江南時蘇松常三郡積欠糧以千萬計公廉知彖強有力者不出加耗貽累小民又糧長徵收斗斛無制取羨自由遂奏設管糧官定斗斛式立水次倉以秋糧正米爲則定爲加耗而納各戶應納之數填註由帖分授之俾戶自持帖輸納官倉里胥不得上下其手又令諸縣各立倉貯米以便賑貸名曰濟農復立交兌法使民免長運軍獲羨餘人皆稱便又松江賦額素重公奏請于朝得減稅糧三十餘萬又請極重官田極貧下戶並從輕折銀一兩折米四石布一匹折米一石計松江一郡得輕折米四十八萬二千

六百餘石民獲蘇息公泣事勤敏時乘小艇駕輕輿  
出舍郊外與農夫野老款談語因得以周知利病  
在任凡十有八年至今言巡撫之有惠政必首稱文  
襄公焉夫二公之功業在天下利澤在東南豈獨松  
之民被其德哉然松故有水利則以二公之功德所  
尸視而愛尤在于松也二公之去今二百餘年矣東  
南之水利日以淤塞田畝日以荒蕪而稅糧之額日  
以加重誠得如二公者出不辭勞不畧罪有飢溺由  
己之思有憂樂同民之意則陂塘港浦之淤者可通  
田之蕪者可治民之困于賦役者可以少紓而東南  
饑饉流亡之患庶幾有瘳矣此民所以思二公之德  
至于今日愈久而愈不忘也祠久蕪沒僅存遺址予  
爲鳩工庀材復其舊觀既落成爲文以紀之夏公名  
元吉字維詰諡忠靖湖廣湘陰人周公名忱字恂如  
諡文襄江西吉水人其他治行事實具載國史不書  
書其有德于吳人者予既爲之作記又緣邦人思二  
公之意作詩二章以頌之曰暨暨夏公功在河渠布  
衣徒步周爰咨茹暑不張蓋勞不乘輿三江震澤實  
爲洪濬劉港白茅洩彼尾閭慨我田疇長我新畝公  
之不來室無峙楫公之既來飯稻羹魚川伯順流老

國朝

幼安居于戴思公拜公堂除福我吳民黍稷與與於  
赫周公來旬來宣公未泣止民呻以瘼賦歛無藝雀  
鼠蠹穿公援成畫則壤永編排闔上疏請折請獨澤  
被八州惟松德徧息黥補剔拯溺解懸十有八載鴻  
恩覃延畢公君陳庶其比肩公沒歲久厥德不  
錫雲車風馬精爽在天惠我人斯於萬斯年  
素基田重修記記東南之重在人斯於萬斯年  
則瘠者起蓋利害切于民之肌膚治得其源而流  
宜民思之不己而尸祝之至于厯久不忘於明得二  
人焉曰周文襄曰夏忠靖知文襄者莫如忠靖能知  
忠靖之言而善治者莫如文襄忠靖曰東南民力竭  
矣文襄爲之減官租忠靖莞度支明錢穀之數文襄  
濟以特徵其撫吳也蘇郡積逋至八百萬公創爲平  
米法均出耗革糧長之貯米于家設水次倉頒鐵斛  
令民詣倉自納清致逋之由行不數年積逋悉完尤  
善在加耗餘米歸官以抵荒絕無糧焉革夏稅鹽鈔  
驛騎鋪陳及軍需應孤之項有餘則與船價盈餘同  
入濟農倉以備賑貸分別借資俾民陰受無窮之益  
安所利而不知有訾耗餘撓公法者廢前法不理民

益困兩稅復通乃亟復之然惟心公之心者乃能行  
公之法也而其原筦于忠靖一言文襄理財賦之緒  
忠靖清賦賦之原知農田之大利在蓄洩尋三江入  
海故迹復吳松下流上接太湖度地爲隄以時蓄洩  
之水由故道入海復濬白茅劉河黃浦出海之口疏  
上游積水東南水患悉平其于役河干也布衣徒步  
日夜經畫盛暑見役夫暴日中麾其蓋曰吾不忍獨  
適亦猶文襄之每行村落屏去騶從與農夫餉婦相  
對從容問所疾苦賢者所爲大略相同宜其入人之  
深愈久而不能忘也文襄祠立于成化十五年嗣復  
合祠忠靖者以二公之同心濟事相得益彰也二公  
精神在天地功德在人而合祠于松者三江出入  
之道在松獨便漕之利松人沾澤尤深也嘉慶王  
戊夏道經二公祠見屋宇傾圮亟加修治增後堂三  
楹與唐宋忠良祠聯合爲一繚以周垣俾鄉人士瞻  
仰前賢學業于斯仿周禮二十五家之間有塾選左  
右師訓問之子弟益廣二  
公之惠澤于無窮是爲記

何公祠 在府南明嘉靖二十四年知府何繼之知縣朱

執中建祀涇陽縣學訓導何震

捍海公祠 在漕涇祀明巡撫畢亨以築塘有功土人感其德祀之

方太守祠 在十二保十八畝戶部主事吳嘉允建祀明松江府知府方岳貢

父子忠孝祠 在縣學東萬厯三十五年建祀明大理寺丞馮恩子應天府通判馮行可戶科左給事中贈光祿寺少卿楊允繩子贈薊州知州楊應祈

國朝嘉慶五年裔孫馮以昌重修

徐文貞祠 在府學東南祀明少師大學士徐階萬厯十

九年建

高義祠 在府治南祀明光祿寺署丞顧正心崇禎年建  
夏太常祠 在邱家灣明崇禎年建祀吏部文選司員外  
郎贈太常寺少卿夏嘉遇

錢肇陽先生祠 在邱家灣明崇禎年建祀蓬萊縣知縣  
贈東閣大學士錢大復

錢司寇祠 在普濟橋祀明刑部左侍郎錢士貴崇禎年  
建

董文敏祠 在興聖寺後卽棠溪書院故址祀明禮部尙  
書董其昌崇禎年建



國朝

周太守祠 在禪定寺西祀松江府知府周錞元雍正二

年建

張侯祠 卽太平書院康熙中爲提督一等侯張雲翼建  
有肖生石象甚高大後爲佛殿

杜公祠 在貢院西康熙中爲提督杜呈泗建

聖祖仁皇帝嘗賜以寬惠三吳扁額因立亭恭奉知府李  
文淵立石

楊將軍祠 在東門內爲江南提督昭武將軍楊捷建

施清惠祠 在試院東姚家街內祀總督施維翰康熙二

十三年建

沈文恪祠 在府城興聖寺後祀詹事府詹事贈禮部侍郎沈荃康熙二十五年建

昭忠祠 在提督府東南嘉慶八年奉

旨添建歲以春秋致祭

節孝祠 在米倉橋西卽舊扶風書院雍正五年建嘉慶十九年節裔等重修有石坊題名其上

孝子祠 在學宮明倫堂後祀

旌表孝子贈監察御史張之普雍正十一年建

顧烈婦祠 在莘莊馮以昌建

奉賢縣

先農壇 在城西門外雍正四年奉

敕建

黃之雋碑記

今上卽位之二年春親耕藉田三年四年藉田產嘉禾八

詔曰禮天子爲藉千畝諸侯百畝則耕藉之禮可通于下

其令地方守土官俱耕藉羣臣集議以督撫至府州縣衛職皆守土俱宜立藉田田四畝九分壇于田以

祀先農具禮儀以聞

報可五年頒於天下先是析華亭之東竝于海爲奉賢縣

其治在青村至是歲八月爰立藉田築先農壇垣而門之壇之高廣主之尺寸牛種箱耒簋簋邊豆如部

頒式六年七年祭耕如儀耆老曰邑新造也邑有藉

聖天子仲臣下以重農垂永久爲定制宜刻石志鉅典于

是試令黃君介諸生吳經以謁之雋文其辭謹按藉

皇上

田之禮載于月令祭義周禮國語自天子至庶人皆  
耕重民食也謹祀事也是故周宣王不耕而虢公諫  
之漢文帝親耕帝籍晉宋齊梁後魏北齊迄于唐其  
令主皆行之然終綱目書籍田不數見宋太祖仁宗  
元世祖武宗之世躬耕籍田亦僅矣明制唯登極之初  
親行耕籍禮餘則京尹代之若我  
伯子男之國考之史惟宋元嘉中耕籍立先農壇班  
下州郡縣悉備其禮而若何制度行事俱不載意具  
文而已若今有司之率土奉行歲歲不廢而黜其惰  
弛者則自古未有也古者耕之日必祀先農于壇先  
農神農也卽周禮籥章小雅甫田之田祖禮郊特牲  
之先嗇是也奉唐虞以上之聖皇臨于壇以俯監我  
耕位尊而氣靈非若句龍杜棄爲人臣者之以一縣令  
溢變置也禮途重矣惟耕最重故禮重今以一縣令  
而幣折拜稽于唐虞以上之聖皇之前秉耒九推以  
比于卿諸侯事亦榮矣惟耕最榮故事榮重其禮榮  
其事守土之官其曷敢不震動恪恭精意敬事以爲  
民所報乎奉賢瀕海其地宜棉菽與稻參其俗鬻鹽  
網魚點者操奇贏逐錐刀之末游手而好事老死猷

澹者愚民耳駟儉不脣與伍而胥隸得而叱縛之矣耕之業人視之賤甚今過先農之壇觀于所藏祭器農具種稂乘盛之儲而問厥所由乃儼然知耕之如此其重也及見邑長朝服而操耜九推九反丞尉執青箱以播種此農夫事耳官乃親為之且知是日

天子

之公卿督撫親為之見其所未見聞其所未聞如千畝不農者能不動思慕歆羨之心如千畝不農者孰不歡忻鼓舞相勸以為我稼如此其美也俾我民務本而力田則風俗以興一

世祖

順治十一年皆親行藉田禮

今上

法重農與祀又逮及臣下俾各謹于其所守之士何

日不治何穀不蕃何農不勸何祝不誠上行下效徧于四海觀奉賢可推而知也

社稷壇 在城北門外

風雲雷雨境內山川神壇 在西門外

邑厲壇 在西門外

城隍廟 在西門內案金山衛夏志青村千戶所向有城隍廟析縣後因之乾隆三十六年知縣班濟泰重建嘉慶十年知縣艾榮松修十四年知縣張敏求重修

土地祠 在縣署儀門東

文帝廟 在南橋鎮北明萬曆十四年項志等建

國朝乾隆三十一年里人宋源岷等重建

武帝廟 在城西南隅明洪武十九年建

國朝雍正三年青村營守備溫元鳳重建嘉慶十一年知

縣艾榮松里人戴元勳等添建後殿知縣張敏求記

火神廟 在東門內嘉慶六年知縣趙堂重建

劉猛將軍廟 在南橋鎮雍正十二年建

呂祖祠 在南橋鎮東乾隆閒里人黃楚建楚好善設藥

室以濟病者又創呂祖祠久之有一道者化齋索紙筆

書南浦仙蹤四字續題一聯松徑落花知鶴院雲溪流

水識仙源投筆而去從此求方頗著靈驗

以上祀典

真武廟 在縣治東北乾隆四十三年里人戴錦石等重

建

鎮海侯廟 在縣治南門外嘉慶十二年知縣艾榮松重

建

白虎廟

在東新市鎮明御史宋賢建

以上通祀

先賢言子祠

在南橋文昌閣左嘉慶八年邑人知府陳

廷慶倡建復捐田構旁屋爲講學所顏曰道南書塾

衛文節祠

在蕭塘鎮祀宋參知政事衛涇明崇禎閒移

建月河塘

國朝嘉慶十年二十一世孫銓重輯並置田以備修費陳

廷慶記

方正學祠

在長浜之陽祀明正學方孝孺天啓五年九

世孫道行建



陳方伯祠 在南橋鎮積善橋東乾隆十八年裔孫安仁

改建五十八年裔孫廷溥重修

虞山王應奎祠堂記 陳氏自前明洪武中如春公以薦授職歷官大方伯而拙齋公紹德惟克復授難科以繼之門第赫然稱盛迨如春公沒拙齋公爲立祠于南橋之南以奉祭祀南橋者陳氏聚族處也自拙齋公之世迄于本朝歷三百祀後裔浸微降爲編戶而祠堂亦陟剝不治于是太學躍江君暨其猶子明經確士貳尹采仲輩紹聞衣德復列士林鞠錄敦比克迪前光乃謀復祠之舊先是祠址在河西青烏家僉謂不吉遂復卜地于河東庀材遴選日從事有門閭如有堂煥如有寢奧如而堂左堂右有廡翼如堂內龜奉栗主塋以金飾以丹自如春公以下凡十有七位後寢龕奉祖妣如前堂之數禮也經始于乾隆癸酉之春至十月而蒧事共糜白金二千餘兩躍江與確士昆仲居其半采仲叔姪居其半而修墓修譜其費亦均又約計千兩惟義田之設則爲躍江所獨計費四千兩一門

之內竝以敦本相先仁鑑義藉不謀而合而爲之領  
袖則雖江之力居多會予以修志客奉邑諸賢介吾  
友何君翊珠屬以一言記其顛末予不敢辭是爲記

節孝祠 在縣治西北嘉慶十年知縣艾榮松里人戴元  
動等重建知縣張敏求有記

報功祠 在滌闕祀明知府方岳貢邑人曹家駒吳嘉允  
何剛

國朝吳欽章宋際莊徵麟

宋氏宗祠 在東新市明御史宋賢建

宋氏宗祠 在十五保臥龍庵左康熙壬申高苑縣知縣

宋弼父振卿建

莊氏宗祠 在莊行鎮康熙初貢生莊徵麒以築海塘功  
祀滌闕復祀鄉賢祠而此祠則徵麒遺命特建以祀始  
祖者也乾隆十六年國學生孰因祠無藩蔽繚以周垣  
其墓門則莊長發捐建

### 婁縣

城隍廟 在府城隍廟西康熙三十四年建乾隆三十一年重修四十年里人公置香火田十七畝有奇五十年知縣謝庭薰修嘉慶十八年知縣萬臺重修

別廟

一在塘橋鎮

一在城隍村

一在短浜口

一在楓涇鎮

土地祠

在縣儀門左

文帝廟

司華亭

別廟

在楓涇鎮乾隆五十五年  
里人沈書林倡捐募建

武帝廟

同華亭

別廟

一在倉城內明萬曆三十年建四十五年知縣章允儒重建陸應陽書董其昌記國朝順治十五

年修

沈奎記嘉慶四年里人重修一在雲間遷運所

名三義廟

一在白龍潭一在泗涇鎮一在大張涇橋一在金

沙灘

一在北俞塘一在莘莊鎮乾隆五十四年重修

事徐三

重修一在莘莊鎮乾隆五十四年重修

一在石湖橋

明徐文貞階吳太僕炯等建國朝乾隆

年圯嘉慶十年

里人潘兆鸞等重建復捐田贍僧一

在楓涇鎮

一在西門外望恩橋一在李

塔匯西斜塘

一在陸店灣一在四六畝

天后廟

在西門外舊傳廟基卽朱謬故第後爲僧居曰

聖與庵

國朝康熙中改建乾隆十二年修

龍王廟 在郡西白龍潭西禪寺內卽舊崔府君廟嘉慶

九年知府鄭濟燾改建歲以春秋二仲月辰日致祭

火神廟

同華亭

別廟

在西門外裏館驛乾隆三十八年知縣紀澄中建

倉王廟 在倉城歲內以開倉日致祭與華奉二縣共之

別廟

一在西新坊葛城家街內舊爲華光廟嘉慶十四年里人改建

劉猛將軍廟 在集仙門外乾隆四年建五十一年知縣

謝庭薰重修置田十畝

金龍四大王廟 在西門外倉橋南明萬厯閒郡人徐肇

台建秋谷雜記載王姓謝名緒錢塘安溪里人籍會稽諸生晉太傅安之裔也宋末隱苕溪及帝昺亡赴溪死土人立廟金龍山明太祖與蠻子海牙戰於呂梁洪失利風濤忽捲河水爲之北注海牙大敗太祖夢神告之曰臣謝緒也驚寤遂封王爲黃河神其後擁護漕河屢著靈異天啓時敕封濟運金龍四大王蓋王有三兄曰綱曰紀曰統王序在四金龍則其立廟之山也

旗纛廟 舊在守禦千戶所廳後今遷南演武場每歲霜降之辰迎軍牙六纛之神於此

別廟

一在金山衛城 一在奉賢縣青村城 一在南匯縣城 一在柘林廳城 一在川沙撫民廳城

以上  
祀典

東嶽行宮

雲閒志云在縣西二里顧志云建置無考宋

右丞朱諤始大而新之元至正乙酉災惟真武殿五鳳樓廊廡僅存壬辰邑人夏濬卽樓址立門復舊明成化閒副道紀曹希昇建玉皇閣宏治壬子知府劉璟重修侯方記陳志嘉靖閒燬於倭時倭掠金錢藏草蕩有二卒知其事夜往盜之寄一老者家再往則陷於倭矣後老者以其無主改建殿寢將成二卒晝見謂老者曰子如是用財可矣忽不見夜夢嶽帝示夢曰此二卒實首功可肖其形以享香供今殿中東西侍立者是也萬曆

中郡人知府徐琳重建大門道士建冥司殿於祠右禱  
祀靈應天啓中重修殿廡殿西北隅建楊侯神祠爲東  
嶽掌刑之神靈爽最赫禱祀輒應里人陳嘉相以地址  
湫隘倡緣擴建丹牖鹵簿靡不整肅

國朝順治中建攝性樓太虛亭康熙二十三年建崇恩殿  
二十五年又於兩廡建十王殿二十七年因玉皇閣址  
改建寢殿乾隆二十七年重修大殿殿東有泉曰香瀾  
水仙祠在其上相傳嶽廟初僅三楹有跛道人謝姓者  
居之擅咒水術患瘡疾者往叩道人取泉水咒而敷之  
立愈後塑象水側卽今水仙神也



宋許尚東嶽行祠詩 明主東封後

蒙望益尊巍然此行宇時許薦蘋蘩

別廟

一在干山元大德八年山民潘顯  
建香火為盛 一在七寶鎮宋建

真武廟

在縣治西北九里亭明宏治中道紀司周仲威

建嘉靖閒道士顧從正重修

國朝順治十二年里人高枝桂復修

別廟

一在泗涇鎮名小武當元至正十三年建本祥澤  
道院明改祀真武易今名萬歷十三年里人徐承

恩等重建相傳創廟時范金以肖真武久弗就一女子  
脫環投冶而去象遂成環痕在肩際由是香火特盛明

季至

國朝屢葺屢圯乾隆四十九年重修汪熙記

碧霞元君廟

在西門外花家溝嘉靖十五年道士陸鉞

建今圯

護糧王廟 在西門外谷陽橋左雍正十二年建嘉慶十

八年里人重建

別廟

一在湖橋閣

鎮海侯廟 在西塔街內黃家潭明嘉靖中建

國朝乾隆三十八年重修

別廟

一在白龍潭西禪寺右  
一在楓涇海慧寺左

妙神廟 在西塔街內雍正七年建乾隆二十一年道士

朱凱次第募建張孝泉記

劉郡王廟 在東嶽行宮內

按王姓劉諱幹字仲偃其先京兆人十二世祖諱翽  
後唐清泰中官建州因家崇安王第進士由豐城尉

遷轉運使攝鄜延帥出奇兵平西夏還拜徽猷閣待  
制知越州請獨中宮租敗方臘拜述占殿學士除河  
北河東宣撫參謀知正定改知建州加延康殿學士  
復守正定軍騎招平柴宏禦金人有功欽宗朝拜資  
政殿學士為宣撫副使援太原九戰告捷金人併力  
禦之以衆寡不敵潰召入命守京城會資沮之者不  
果徽宗北狩奉命使金不屈死建炎初贈資政殿大  
學士謚忠顯前明洪武中以王精忠報國抗節殉難  
王長子右諫議知鎮江府諱子羽次子朝奉郎直祕  
閣諱子翼一家孝友異代忠良敕封東嶽攝政侯護  
國川山節度使今以三月二十八  
日村農祈賽香火猶盛歲以為常

李塔明王廟 在西門外聚奎里蘇州府志云吳江昭靈

侯廟舊經云先天二年奉敕立祠於松江梁開平二年

封昭靈侯廟食十有二所或號曹王或號李明王今府

境修竹鄉稱李塔明王界則所祀曹王明也

大樹大王廟 在西門外澤潤橋西

陽烏澤侯廟 在北門外陽烏澤口

賈莊廟 在陳陀橋左

石湖界廟 在四十一保張村浜

白沃廟 在東門外北俞塘上魯應龍括異志云白沃使君爲海鹽令當湖初陷使君躍馬疾走不及以鞭指東南一角水至不沒其地獨高後人立廟祀之

高不審八月十五日過白沃廟詩 故事俞塘北相邀賽使君管弦逢素節祠屋敞斜曛駐馬神如在爲魚勢稍分只今柘湖畔水盡復塵氣

晏公廟 在楓涇鎮明里人沈某建蘇州府志云公名戊

仔元初為文錦堂局長登舟尸解立廟明洪武初以其

陰翼海運封平浪侯

岳忠武王廟 在西門外延恩巷口

別廟

一在超果寺東金沙灘舊為言子祠明嘉靖四年改建以上通祀

靖江王廟 在干山鎮北

白馬三郎廟 在秀野橋北

龜蛇廟 在南門外城濠上宋淳祐中建

明張璠重修記 松江南城河灣龜蛇廟世傳其地有蓮花池居人嘗見巨龜靈蛇之異宋淳祐八年道士余子善來建廟塑真武像因有龜蛇名元至正十六年苗帥縱僚入郡大掠火一月不絕殃及四境而斯廟如靈光獨存人遠望有黑旗飄于上當時彫壯遺燬競以為神國朝洪武初殿就敝紹興賑海商其

二陸祠 在崑山元至正五年邑人曹慶孫訪二陸故居

人與先祖同姓字始來翻蓋今存二夾石卽其所捨  
海船中石也我祖仁清號一山嘗卜築廟側思地  
有稅無主衆侵穢日廢乃因編冊收廟基于保勝名  
下世遠人亡永樂改元我祖本中號柳塘轉入于籍  
宣德二年我考原壁號清逸與東隱道人徐宗盛棲  
遲于此有志興作不果正統十一年瑀官紀善還守  
制載瞻廟貌歷年滋久風銷雨泐朽敗莫支乃慨念  
先志以起廢爲已任合里中好義者施財庀工至景  
泰二年重葺殿宇易蘆簾後以板增置兩廊各三間東  
隱構室旁居以主其席後予長子瑩任監察御史得  
辭職就封閑居又以山門等未備欲事營繕得府判  
嚴郡洪君景德勸率糧老陳宣等胥來義助舉魏忠  
李義董其事三越月殿廊繪塑重門繚垣煥然一新  
外立龜蛇真境坊砌輒爲街甃石爲橋以通神道揆  
天順癸未而上距初建二百又十八年至是蓋咸備  
矣噫張氏祖塋鄰于廟子孫同吾志者嗣而葺  
之庶斯廟有屬而斯文不昧  
焉用鐫諸碑樹于廟門之左

得其遺址請於行省卽建祠焉今記

元劉子青記按華亭二陸吳大司馬抗之子也晉并吳兄弟入洛羈旅單宦嘗著懷土賦及有贈從兄士光詩其思念故鄉之意纏綿悽愴又史載其臨終有華亭鶴唳豈可得聞之歎予乃讀而悲之其故宅址在谷水東崑山之陰意其魂魄歸依于此也今谷西隱者曹慶孫先生躬行喜文章始立祠故宅址祠二陸焉先生爲余言曰二陸之山人比之玉謂其山若崑岡而因以名之旁近兩山曰機曰雲相望三二里間機山下有平原村人爲此名者蓋憐其才而示不忘于永世也吾今爲二陸祠以此昔齊王問未敗時其東曹掾張翰一夕因秋風起念蓴鱸徑歸吳人祠之江上余每過垂虹艤船祠下呼酒酌其精爽今聞曹先生道祠二陸事若有槩于心者故書以爲記又有歌辭俾歌以祀焉辭曰蕭將配兮靈侯山之我我兮水放洩兮月皦皦兮使我心愁伊洛瀕洞兮虎豹塞道崑山之陰兮有蘋有藻千秋萬歲兮故鄉維好蕙有兮旣將椒醑兮斯觴神之來兮洋洋佩陸離兮明月光晟昭質兮孔章醉而飽兮樂康我無數兮其

恒是享

別廟

在干山圓智寺西偏明

明陸樹聲記略二俊祠祀二陸也陸氏世佐吳有  
六造于茲土廟食固宜舊志祠在崑山歲久廢棟宇摧  
堂在天馬峯下後人或即草堂祠焉堂復廢棟宇摧  
殘祀且弗講錢太守午江掃法堂左偏為祠以祀規  
制弗稱嘉靖閒圓智寺僧圓鏡以草堂故址具在募  
緣重建會寇亂中止今又若干年矣袁比部履善暨  
大學子元等復倡議新之以存故實而郡中諸賢樂  
相其事始于隆慶戊辰十月越明年己巳八月告成  
三君以余嘗讀書  
山中遂屬之記

五先生祠

在干山祀晉陸機陸雲元楊維禎錢惟善陸

居仁

明董宜陽記干山故有二陸草堂陸學士平泉先  
生倡復之矣乃復謀于同志曰茲山有二俊後寥寥



千載無復嗣響逮勝國時始有楊公廉夫錢公思復  
陸公宅之鳴于時卒葬山之東麓曰三高士墓盍配  
享以存山中之故實五先生出處制行不同而一時  
風流文采自足輝映來世增重山川固宜合祀擬以  
每歲上巳重九采毛薦芷  
釋菜祠下以繫鄉人之思

錢太史祠

在西門外平政橋西祀明修撰錢福

周副使祠

在周家藻祀明提學副使周思兼萬曆三十

一年建御史胡繼升題額曰崇正私諡曰貞靖先生

許維新周先生有道詩清源水交流清濁不可辨  
有客揮使旌汗流隨風捲臣心逼水清駟僧禁不喘  
柔備有餘適樞關無吹犬牙籌零露滋萌生若苔蘚  
州牧有茅君遵奉等冠冕九里惠澤通保障無絲蘭  
蓬麻信可依廉頑起巽輓垂髮聞此聲鄉人各稱善  
比來公里中山斗未足展道備德已宏一節何足腆  
齊人姑言齊所見亦已福去歲發市哄清人咄壺鬻  
安得如公儔時事無乖舛有道貴九京寧獨闢幽顯

陸樹聲題祠 昔者吾良友于今逝日多論才四科  
內作賦二京過青簡名終在黃金化若何徒令後生

輩俎豆  
向山阿

陸文定祠 在白龍潭興福寺左祀明禮部尚書陸樹聲

萬厯三十五年建前建百歲名臣坊後建見賢堂晚節

軒無錫顧憲成有記

吳太僕祠 在南門外祀明太僕寺少卿吳炯

杜公祠 在壓鵲浜祀明浙江右布政使杜喬林

國朝郡人楊瑄記 吾郡故方伯梅梁杜公為明啓禎間

名臣墓在郡西北郊二里涇之原垂數十年而陵谷

變遷松楸零落墓田祠宇漸歸他姓存者一坏而已

長洲彭子定求問而盡傷捐金為倡瑄與蘇松兩郡

士之賢而慕義者量力力伙助計贖歸墓田四畝丙舍

三楹又重建饗堂齋室各三楹樹墓碑一座而公之

公仁子志 卷十一 建置志 壇廟

墓祠復還舊觀彭子乃屬公會孫大生敬守之而謂  
瑄爲文以記瑄惟公之學行政績載浙江名宦志郡  
名臣傳及都諫許公墓志中者亦既麟炳炳矣而  
世罕有能知之者逮乎精爽上昇飛鸞顯化康熙甲  
寅始降于蘇州之文星閣甲申歲再降于吾郡之紫  
虛閣然後海內之士靡不翕然景從則以公爲明神  
故也雖然人知公之爲神而亦知公之所以爲神者  
乎事親爲孝子當官爲循吏經術則醇儒躬行則篤  
信君子此公之所以爲神者也至公之誨人因材而  
篤言不一端而大旨不外心懺一書自改過遷善以  
至盡性達天詣極精微而理歸平易玉局寶書無異  
尼山之木鐸也世或以機祥徵驗求之豈得爲知公  
哉

夏忠靖祠 在崑山祀明戶部尚書夏原吉

方公祠 在橫雲山祀明郡守方岳貢中有殉難忠臣李  
若鶴孝子李雯二神位配享左右

李公祠 在西門外水次倉明崇禎閒推官李瑞和治漕有惠政郡人立祠祀之

李公祠 在西門外白龍潭之陽祀婁縣知縣李復興以舉人吳欽章等配焉康熙二十二年建乾隆五十二年知縣謝庭薰重修以復興均政賴史彬保其成別設彬位于南樓昭報焉更置田十畝

張少宰祠 在橫雲山祀

國朝贈吏部侍郎張淇以淇子吏部左侍郎集對刑部尙書彙孫刑部尙書諡文敏照配焉

節孝祠

同華亭

卽南察院故基也雍正五年奉

松江府志卷十七終  
敕建乾隆七年暨三十年節裔張壽祺聞人位姜晟等先  
後重修郡人方伯蔡鴻業有記